



KENYATAAN MEDIA

MSM UMUMKAN KEUNTUNGAN SEBELUM CUKAI SEBANYAK RM148.52 JUTA

KUALA LUMPUR, Februari 22, 2017 – MSM Malaysia Holdings Berhad (MSM), peneraju pengeluar gula bertapis terbesar negara mengakhiri tahun kewangan 2016 dengan keuntungan sebelum cukai (PBT) sebanyak RM148.52 juta dan mencatatkan RM24.13 juta bagi suku keempat berakhir 31 Disember 2016. Berbanding tahun sebelumnya, pencapaian PBT bagi tahun kewangan penuh adalah RM372.13 manakala suku keempat terakhir 2015 mencecah RM91.74 juta.

Sehubungan itu, keuntungan bersih Kumpulan mencatatkan RM120.72 juta dibandingkan dari RM275.30 bagi tahun kewangan penuh pada tempoh yang sama sebelumnya. Manakala, pendapatan suku keempat mencatatkan RM14.39 juta disebabkan oleh kos pengeluaran yang lebih tinggi impak daripada kenaikan harga gula mentah dan kejatuhan mata wang Ringgit Malaysia.

Keputusan ini dicapai dengan perolehan Kumpulan yang lebih tinggi, sebanyak RM2.66 bilion pada tahun kewangan berakhir 31 Disember 2016 berbanding RM2.31 bilion pada tempoh yang sama tahun sebelumnya. Perolehan suku keempat mencatatkan RM838.31 juta, peningkatan sebanyak 26.3% dari RM663.97 juta bagi tempoh yang sama pada tahun 2015. Perolehan yang mantap ini dibantu oleh volum jualan Kumpulan yang tinggi bagi segmen Domestik dan purata harga jualan gula bertapis yang lebih baik.

Presiden / Ketua Pegawai Eksekutif Kumpulan MSM, Mohamad Amri Sahari berkata, "Perniagaan kami bergantung kepada margin yang optimum antara harga gula mentah dan gula bertapis. Pada tahun 2016, peningkatan kos gula mentah dianggarkan sebanyak 40%, secara langsung kos operasi meningkat sebanyak 80% lantas memberi tekanan kepada margin kami. Walau bagaimanapun, dengan mengambil kira peningkatan ketara dalam harga gas asli, kita berjaya mengekalkan kos penapisan sekadar peningkatan minimum sebanyak 0.76%, ini menunjukkan kecemerlangan operasi kami.



Walaupun berhadapan cabaran pasaran komoditi serta kelemahan kadar pertukaran mata wang USD/MYR yang tidak boleh dikawal, MSM masih mampu mencapai rekod pengeluaran gula bertapis tertinggi sebanyak 1,117,010 tan metrik pada tahun 2016, peningkatan pengeluaran sebanyak 8.1% berbanding tahun 2015.

“Industri penapisan gula dikawal oleh beberapa Akta. Salah satunya adalah untuk memastikan bekalan gula yang mencukupi untuk negara. Di samping itu, pertumbuhan penggunaan akan seiring dengan pertumbuhan penduduk. Gabungan faktor-faktor ini, menstabilkan perniagaan sedia ada serta membuka peluang pertumbuhan lain,” kata Amri Sahari.

Pada masa yang sama, MSM sentiasa bekerjasama dengan agensi-agensi kerajaan dalam perkara berkenaan kestabilan gula dalam negara dan juga struktur harga.

Beliau menambah, "Sebagai sebuah Kumpulan kami akan kekal berdaya saing dengan meningkatkan pendapatan pada tahun 2017 dan memberi tumpuan terhadap apa yang mampu dikawal: terutamanya pengurusan kos, menambahbaik hubungan pelanggan dan pihak berkepentingan, pengukuhan jenama serta terus membangunkan modal insan untuk masa hadapan.

Walaupun keadaan industri gula kurang baik pada tahun 2016, Kumpulan akan bertumpu pada beberapa inisiatif pertumbuhan yang berpotensi besar dalam pasaran Asia Tenggara (SEA), selaras dengan pelan tindakan strategik yang diluluskan.

Menuju ke hadapan beliau menerangkan, inisiatif-inisiatif yang didirikan berhasrat untuk mengukuhkan pegangan pasaran MSM dan juga terhadap pelanggan. Terutamanya dalam pasaran serantau yang memerlukan permintaan gula yang tinggi dan negara-negara membangun dalam usaha sama sinergitik yang mampu meletakkan syarikat dari arena serantau ke arah global.

-TAMAT-



Tentang MSM Malaysia Holdings Berhad (MSM)

MSM Malaysia Holdings Berhad (MSM), diperbadankan pada 10 Mac 2011 selaku peneraju pengeluar gula Malaysia. Ia telah disenaraikan di Papan Utama Bursa Malaysia Berhad pada 28 Jun 2011 dan telah muncul sebagai salah satu daripada 50 syarikat utama yang disenaraikan di Bursa Malaysia dengan modal pasaran sebanyak RM3.34 bilion (sehingga January 2016). Ia juga anak syarikat milik Felda Global Ventures Holdings Berhad (FGV) dengan pegangan saham 51%.

Secara dasarnya, MSM mengoperasikan perniagaan gula Felda Global Ventures Holdings Berhad (FGV). MSM menghasilkan, memasar serta menjual produk gula bertapis. Syarikat ini juga menjalankan perniagaannya menerusi dua buah anak syarikat iaitu MSM Prai Berhad dan MSM Perlis Sdn. Bhd. yang telah ditubuhkan pada 1959 dan 1971. Tambahan lagi, MSM juga mengendalikan syarikat logistiknya sendiri - MSM Logistics Sdn. Bhd. Pada Oktober 2015, MSM Trading International DMCC, berpangkalan di Dubai, EAB ditubuhkan untuk melaksanakan aktiviti dagangan gula Kumpulan.

Kini, MSM memiliki kapasiti pengeluaran gula tahunan yang mengagumkan iaitu 1.25 juta tan gula bertapis. Pada 2016, MSM telah menghasilkan 1,117,010 tan gula bertapis, rekod tertinggi dalam sejarah syarikat dan sebanyak 137,648 tan adalah untuk memenuhi permintaan pasaran eksport. Pada masa ini, MSM kekal menguasai bahagian pasaran domestik dalam anggaran 60%.

Syarikat juga menawarkan pelbagai rangkaian produk daripada gula bertapis putih pelbagai saiz sehinggalah ke gula perang halus. Kesemua produk ini telah dipasarkan dan dijual di dalam pelbagai bentuk pilihan pembungkusan di bawah jenama "Gula Prai". MSM juga turut menjual 'molasses' sejenis produk sampingan yang dihasilkan menerusi proses penapisan gula hingga ke produk penyulingan dan penghasilan etanol, makanan haiwan dan yis di kalangan lain-lain produknya. MSM menjual ke seluruh rangkaian pengguna di Malaysia dan juga negara-negara lain secara langsung dan tidak langsung menerusi pedagang, pemborong dan pengedarnya. Para pelanggan termasuklah syarikat-syarikat besar yang terlibat di dalam industri makanan dan minuman, farmaseutikal, perhotelan, restoran, rangkaian kedai-kedai makanan serta pengguna isirumah.

Untuk maklumat lanjut, sila layari www.msmsugar.com

Untuk pertanyaan media, sila hubungi:

Siti Noorbaya Mohd Yunus

+603 2181 5018 ext. 158

+6016 677 6118

noorbaya.my@msmsugar.com

Muhammad Aniz Mohd Azmi

+603 2181 5018 ext. 211

+6012 289 3294

aniz.ma@msmsugar.com